

KEY STATEMENTS FOR THE 2024 MEMORIAL DAY BLENDING CONFERENCE

Mamilawng n'poeng la aka awm soeprep tah poekna pakhat bueng aka awm – tetah Pathen kah hingna he mami dawng kalawng patoeng loihla awm tih, mami dawngah atuengna awm ham tite zakming angoe. Mami kah dauben thlaang tah khuiben thlaang aloihna ham oen atuengna a awm hil toe reksak la awm hawn seh. Hetah aphu awm tangkiik tih, hetah Bawipa kah bibihuithli kah lawngpui la awm.

Bawipa dawngah awm natah Bawipa oen haih muithla pakhat la coeng ham tih, ameeek dangna la aka awm thangthuinathli tah mami Bawipa dawng awmna oen Bawipa kah Awlthli te mami dawngah awmna kah thaitak la awm.

Khrih te hingna kah tuilaawngna la n'awmngaihna tah Pathen kah kawpoekrai akahing sakna, Pathen kah riepawm Impui hamla hingna kah bibbina rangoen mami te cangti tuh kungthli, loutoen kungthli, tuisuuep kungthli, aka cuunkungthli, cawmcah kungthli oen aka sakkungthli la awm sak ham la ni.

Mami boeih tah mikhaai dahna te n'khoe tih Bawipa kah bawilen nate aka daan haaidaan angla, Bawilenna kalawng Bawilenna la aka vaai muisam khui la muisam thawleng la n'awm u.

Outline of the Messages for the Memorial Day Blending Conference

May 24-27, 2024

GENERAL SUBJECT:

KHRIHTHLAANG HINGNA

Message One

Khrihthlaang Hingna kah Acuek Huhsakna

Caciim Teeham; Jhn,14:21, 23; 2Kor,2:10; 4:6-7

I. Khrihthlaang hingna tah Khrih te akahingpui hingna la awm. Mami kah hingna tah Khrih la awm ham tih, Khrih te hingpui ham alawngim tah Khrih n'lungna ham roe ni – Fil,1:19-21a; Gal,2:20.

- A. Mami lawng Khrih te aboet toe la n'lungna rangoen Khrih te n'hingpui u. Mami lawng Khrih te n'lungna nawh kawi nih Bawipa te n'hingpui thai manawh, Bawipa te lungna tah mami n'coengna apum boeih te Bawipa sawah ngaaithuen natah atheenkoek lawngim la awm – 2Kor,5:14; 1Jhn,4:19; Fil,1:19-21a; Mark,12:30; Awl,2:4-5; Jhn,14:21, 23; 21:15-17; 1Pit,1:8; 1Kor,2:9; 6:22.
- B. Pathen te n'lungna ati hetah mami kah coengna apum boeih – muithla, lungbui oen pum oen haih thinkaw, lungbui, mingna oen thaawmna boeih (Mark,12:30) – te Bawipa sawah apumboeih la khueh ham, mami coengna apum boeih tah Bawipa rangoen tungepna oen Bawipa dawngah auhzip ham thuingaihna la awm, tedengah Bawipa tah mami tengah soe[rep la va coeng tih, mami kah hinrooek hing khawsakna dawngah Bawipa oen atak la pumkhat n'awm u thai ai.
- C. Mami lawng Bawipa n'lungna vengah “Muithla lawng Pathenk ah aka dung thaihu toe la soeprep boeih te atlap” (1Kor,2:10). *Tlapna* hamla Grik awllung tah thathlue ruila tlapna te thuinuetna dawngah ahawna tih, ruihimna rangoen nawh tih, kher kherh tlapna rangoen abuelhmaih la mingna te thuingaih la awm. Pathen kah Muithla tah Khrih oen tukhai tih Pathenk ah awlhuepthli te atlap tih, n'zaakming thaina oen akathuum tuhphana ham mami kah muithla ah teangthli te mami teng nueh la awm.
- D. Khrihthlaang hingna hingpuina tah Pathenk ah Capa Jesu te lungna rangoen, mami tah Pa oen Capa rangoen n'lungna tih, mami teng Capa kah atuengna oen Pa Capa kah buehthawng la valaw tih hemi tah mami oen haih benbang la awmna te awmngaihna la awm – Jhn,14:21, 23.
- E. Khrihthlaang hingna tah Pathen te lungna oen mami kah lungna la Pathen amah rangoen khat oen khat te n'lungna la awm. Khrih tah he diklai ah lungna la Pathen hingna te ahingpui tih, tahe Bawipa tah mami kah hingna la awm tih, he diklai ah akavaai lungna te mami lawng n'hingpui thai ham oen aka auh thlaang te tlapna oen thlaang thawlh te aka thlawn bibina lawngzaw ah Bawipa oen avaaia awm ham ni – 1Jhn,4:16-19; Luk,10:25-37; 19:10; Efe,4:20-21; cf,Gal,5:13-15.

II. Khrihthlaang hingna te hingpui ham tah soeprep boeih te Khrih kah athlaanghing dawngah, Khrih kah mikhaaiah bibi ham ni – 2Kor,2:10; 4:6-7.

- A. *Athlaanghing* ham Grik awllung tah 4:6 dawng kah angla “mikhaai” te thuinuet la awm. Te lawng mik tengkah avangthal, khuiben poekna oen khansanathli te thui la aka awm mikdaai, athlaanghing pumboeih aka nueh, tueng la aka awm mikdaai te thuinuetna la awm.
- B. Oengcathli ham daankoi la aka awm Paul tah (1Tim,16) Bawipa kah Mik ah aka tueng Bawipa athlaanghing apum boih kah nueh na angla Khrih kah Mikhuh ah hing khawsak tih tatvuet bisai kung la awm.

- C. Mami kah thinkaw tah Bawipa teng melkoep veng roekah muekdahna tah mami thinkaw kalawng khoe la awm tih, mami lawng mikhaai dahna te n'awng tih bawilen Bawipa te miktak la awm. Atang tangah mami kah athla la akaphelh vik thinkaw tah khukdahna la awm. Mikhaai dahna khoe la aka awm mikhaai tah awng la aka awm thinkaw la awm tih, Jesu Khrih kah mikhuh ah Pathen Bawilenna te miktak hamla ni – 2Kor,3:16, 18; 4:6-7; 1Sam,16:7; Efe,1:18a.
- D. Pathen Bawilenna tah Khrih kah mikhaai dawngah awm tih, Bawipa kah mikhaai, Bawipa kah athlaanghing tah mami muithla kah phutlou kaawn la awm – 2Kor,4:6-7; 1Pit,3:4.
- E. Mami tah phu aka awm nawh, rek akazoei lai amthli la n'awm u, tede mami kah muithla khuiah phu aka awm kaawn, Khrih amah kah mikhaai, athlaanghing te sangthil la awm (2Kor,2:10; 4:6). Vankhawhi pumboih ah Jesu kah mikhaai te miktakna tluk phu aka awm tangkiik tloe thaihu awm nawh – (Gen,32:30; Exo,25:30; 33:11, 14; Saam,27:4, 8; Awl,22:4.
 - 1. Bawipa kah mikhuh ah hing khawsakna, Bawipa coengna kah nuehna te miktakna a awm veng buengah Bawipa tah mami teng teang phutlou kaawn la awm tite mingthimna awm ai. Mami dawngah araaina khatsut a awm atah Bawipa teng n'thui peham ni angoe. Bawipa tah mami khuiah awm tih, Bawipa tah mami oen haih mikhuh ah awm – Fil,4:6.
 - 2. Pathen huhna tah Pathen dangna oen vaai tih, tetah mami muisam thawheng pe ham mami khuiah Bawipa kah coengna dawngah Pathen te n'dangna la awm (Job,42:5-6; Mat,5:8). Tihin mami miktakna la aka awm Pathen tah aka soepbir Muithla la awm tih, mami kah muitha ah Bawipa te miktakna tih, mami coengna khuiah Pathenk ah betooetnathli te n'zawn thai tih, hinat coeng hinat Pathenben muisam thawhengna kakhui ah n'awm u thai (2Kor,3:18b; Mat,14:22-23; Kol,4:2).
- F. Mami muithla kah Bawipa tengah thinkaw melkoep tih Bawipa te mikhuh la miktakna oen Bawipa te thlaangthli khuiah angna athlah vengah (Isa,60:1, 5) mami tah “Bawipa acoengna toe te n'huh hamla awm dawngah mami tah Bawipa oen n'vaai u ham” khawhin toe Bawipa kah bawilen akatueng Muisam khuiah muisam thawhengna lawngzaw ah n'phana u la awm – 2Kor,3:18-4:1; 1Jhn,3:2; Awl,22:4.

III. Khrihthlaang hingna tah mami akakhue khuena oen buelhmailh la khawkan nala awm – Efe,4:1-4.

- A. Pathen lawng khuena oen buelhmailh la khawkan nakah lamha kah cadoelh tah Khrih takpum kah asoengna la Muithla kah pumkhat coengna te Pathenben moiboethli rangoen teoen haih thaa awmsak la aka awm muisam akathawheng thlaanghing moiboe theen nathli rangoen khoemdoen ham thathluena la awm – athaan, 1-4.
 - 1. Bawilen akatueng Jesu Muithla ah Jesu kah muithawheng la aka awm thlaanghing coengna awm. Takpum pakhat bueng ham Muithla pakhat bueng te aawkna oen laawngna tah thlaanghing Jesu kah Muithla te aawkna oen laawngna la awm tih, Jesu kah thlaanghing coengna te Bawipa kah Pathenben rangoen tharaa betooet sak la aka awm dungvoengna, kawdawna oen lungna dawngah khat oen khat ueh thaina ham akasan uehthaina thli kah thlaanghing moiboe theennathli oen haih aawkna oen laawngna la awm – Jhn,7:37-39a; 1Kor,12:13; Cel,16:7; Efe,4:2-3.
 - 2. Mami lawng Bawipa ming te n'khue tih, Bawipa te caakaawk atah Jesu te thlaanghing pakhat la n'awmngaih u vetih, Bawipa kah pawmsang la aka awm thlaanghing coengna kah atheen nathli boeih tah Jesu kah Muithla dawngah mami kah koe la va coeng tih, Khrih takpum kah asoengna la asoengna kah Muithla dawngah dangkoep la aka awm thlangboel hingna te atak bisaina hamla awm ai – 1Kor,1:2; 10:3-4, 17; 12:3b, 13; 16:13; Efe,4:3-4a.
- B. Pathen kah khuena oen buelhmailh la khawkana kah apabena tah mami lawng soeprep dawngah Luu Khrih khuiah n'roeng ham ni – athaan,15-16.
 - 1. Bawipa takpum sakna hamla soeprep dawngah Khrih khuiah roeng ham atah mami lawng Khrih te thlaangthai pakhat thoeng sak ham mami kah soeprep boih akathum,

- vankhawhiben azueng thengna la awmngaih ham angoe, tedengah mami tah “Bawipa awl te hatung” tih “Jesu pakhat bueng” te huh la awm ai – Mark,9:7-8.
2. Khrih la aka awm nawh soeprep boeih nawhatah Khrih la aka awm nawh thlaang boih te Pathen lawng “bibi aphawh bang”. Pathen lawng Bawipa kah awlkhueh ruem kamthlahna kah soeprep boeih te Khrih rangoen zueng atheng la awm – 1:1-8; Mat,17:3-5; Kol,2:16-17; Heb,10:5-10; 11:5-6; cf, Isa,22:20-25.
 3. Pathen lawng mami te n’suen vengah Bawipa lawng mami te “n’vat la awm”. Bawipa lawng thinglamtah sawah mami te n’thlawn tih, Khrih oen haih thinglamtah ah dueksak vengah mami te “bibi n’phawh poen”. Bawipa lawng mami te Khrih oen haih thawhkoep sak vengah Pathen- thlaangthli kah cadil athaithli, Bawipa kah akacuut kutpaw la Pathen kah saithai la awmsakna rangoen mami te “koekthoek n’vat koep tih”, Bawipa bawilenna, Bawipa kah akacuut tuengna ham mami te suenna kah acuek mengtengna benla khuen koep la awm – Gen,1:26; Gal,2:20; Efe,2:6, 10, 15; Isa,43:7.
- C. Pathen khuena oen buelmaih la khawkan nakah apathum natah mami tah Jesu dawng aka awm asoengna la khrih te n’cang ham ni – Efe,4:20-24.
1. *Jesu dawng aka awm soengna* tah awlthangtheen cabu pali dawngah thut la awm angla Jesu kah khawsak paihuen soeng te athui nuet. Jesu lawng soeprep te Pathen dawngah, Pathen oen haih, Pathen hamla bisaina aka awm hingna te ahingpui. Pathen tah Bawipa kah hingna dawngah awm tih, Bawipa tah Pathen oen haih pumkhat la awm – athan, 20-21.
 2. Diklaihan Bawipa kah hingna dawngah Bawipa he awlthangtheen cabu pali dawngah thuila awm angla daankoei te tluep acak sak. Tecoengah thinglamtah ah duek tih, hingpekung Muithla coeng ham thoukoep, tedengah Bawipa tah mami khuiah hingna la akuun thai huen ai. Mami tah Bawipa thuingaihna angla Bawipa teng kalawng n’cang ham tih, mami kah pumsa hingna rangoen hing ham nawh tih, thawhkoepna dawngah mami kah hingna la Bawipa rangoen n’cang ham ni – 1Kor,15:45b; Kol,3:4.
 3. Mami lawng Bawipa te n’lungna, Bawipa te thlouthlanna oen Bawipa teng thangthuina a awm vengah mahpoekla awlthangtheen cabuthli dawngah thui la aka awm, pungcan kuat, pungcan, daankoi angla Bawipa te n’hingpui u. Tih rangoen mami tah he pungcan kuat kash muisam ningla mui asaina, muisam vaina n’awm u – hetah Khrih n’cangna kah thuingaihna la awm – Mat,11:29; Rom,8:29.
- D. Pathen khuena oen buelhmaih la khawkan nakah apali natah mami lawng lungna oen angna dawngah hing khawsak ham ni – Efe,5:2,8.
1. Mami tah Pathenben coengna te akathum pui haihthli, aka awmngaih thlaangthli la awm ham angoe (1Pit,1:4). Pathenben coengna tah Pathen la a awmna thaihu la awm – Pathen tah Muithla la awm (Jhn,4:24), Pathen tah lungna la awm (1Jhn,4:8, 16), Pathen tah angna la awm (1:5). Muithla tah Pathen thlaanghing kah acoengna la awm tih, lungna tah Pathen arilh kah acoengna la awm tih, angna tah Pathen atueng nakah acoengna la awm.
 2. Mami boih tah muithla ah Bawipa oen haih athloek cala pawlneng ham Bawipa oen haih mah pakhat bueng atue lawhna te atue akhoek la haw naham angoe, tedengah mami tah Bawipa Bawipa kah lungna oen betooet tih, tetila mami dawng kalawng patoeng Bawipa tah atloethli te khoemdoenna awm tih, thlaangthli lawng Bawipa te huh ham atah Bawipa kah angna la aka awm coengna oen thloel thil la awm ai – Jhn,4:24; Luk,15:20; Mat,5:15-16.
- E. Pathen khuena oen buelmaih la khawkan nakah apanga natah mami tah Khrih oen laawng thil naham muithla ah betooetna rangoen n’hingpui ham ni – Efe,5:18.
1. Thuiphawngna, laasakna, Saamlaa sakna, Pathen teng uemcil thuina, Khrih te rih hinzahna dawngah khat oen khat teng mah oen mah dawk lawhna tah muithla ah betooetna kah laawngthil nala awm bueng ouhla, muithla ah betooetna ham alawngim lakhaw awm – athaan,19-21.
 2. Muithla ah betooet natah Khrih kah besakna, Khrih kah becoih la laawngna la awm ham Khrih kah abawinathli oen betooetna awm ham ni. Bawipa khuena oen awl thangthui teena

rangoen mami tah Bawipa kah betooetna, Bawipa kah becoih la laawngna la coeng ham lungvatna sawah lungvatna patoeng la Bawipa te boetouh la dangthaina ham ni – 3:8; 1:23; 3:19b; Rom,10:12-13; Efe,6:17-18; Jhn,1:16.

IV. Khrihthlaang hingna te hingpui natah mami lawng Ciimuithla kah riimawngna te n'dangna la awm.

- A. Pathen lawng mami kah atuina te akhoe tih, mami lawng Ciimuithla kah riimawngna te n'dangna rangoen mami kah riimtui te thawleng ham angaih, tetah Pathen lawng dauben pumsa thlaang kah aneethli, arilhthli te akhoe ham sangna hawpai pakhat kalawng pakhat toe ahawng la awm sak tih, mami dawngah Khrih kah akaciim atuina la awm tih, Khrih kah akaciim riimtui te athoeng sak toe la awm sak – Jer,48:11; 2Kor,2:14-15; Laa,4:16; 2Seng, 4:8-9.
1. “Muithlathli kah Pa” tah patangnathli oen toeltham nathli kalawng patoeng “mami te Bawipa kah akaciim coengna te akathuum haihthli la awm sak ham” tlaihvwang la awm – Heb,12:4-13.
 2. Patangnathli oen toelthamnathli te vai khaw akapoeng nawh thlaangthli tah sangkoei hawpai pakhat kalawng pakhat toe thloenna aka dang nawh la awm. Tedawngah hemi kah pumsaben lungbui, hemi kah dauben thlaang, hemi kah kai tina aneethli, arilhthli, aphantthli kah atuina he hemi khuiah awm toeng toeng tih, hemi kah rimtui khaw seh thawleng u nawh – Jer,48:11; Rom,8:28-29; Laa,4:16.
- B. Mari lawng phu akatlou tangkiik Naadu rimtui paawng pakhat oen akabe lungbaawk kkuat awm. Mari lawng te kkuat te arek tih Bawipa sawah asuuep vengah “te rimtui baw tah im pum te sak azaam” – Jhn,12:2-3; Mark,14:3; cf, Laa,1:12.
- C. Lungbaawk kkuat lawng mami kah dauben thlaang te huhsak tih, tetah reksak ham angoe tih, tetila khuiben thlaang tah thoeng thai la awm ai. Bawipa tah mami dawngah, mami sawah lawngim zahawh oen bisai natah diklai hawpai, lungbaawk kkuat la aka awm dauben akawk te rek sak ham metengna la awm – 2Kor,4:7; Jhn,12:3, 24; Rom,8:28-29.
- D. Pumsa rangoen mami kah n'coengna he tu lakhaw awm nawh. Mami kah coengna khuiah Muithla lawng aka tuhtawm thaihu bueng ni toek la awm. Ciimuithla kah toeltham natah mami kah pumsa lungbui oen moeiboethli te aphe tih, hamkhuekna oen didipna dawngah Ciimuithla kah tuhtawm nate avan khuen. Pathen lawng tengvai kah soeprep boeih te pumsaben congna te thlaak ham aboelrai tih, tetila Bawipa tah mami dawngah akathai lungbui, akathai moiboe, akathai moiboe theennathli te mui atueng sakthai la awm ai – Jhn,3:6, 2Kor,5:17; Gal,6:15.
- E. Reksak la aka awm nawh ham awlpuila akawng pahih awm.
1. Thlaang pakhat reksak la a awm nawh kawng tah zinna dawngah a awm dawng ni. Ahih teng aka awm soeprep tah ahih lawng thlaangthli sawah nawhatah tengvaithli sawah thawlh apel thai la awm. Te thlaang dawngah Pathen kah Kut kawng oen Pathen tah te thlaang te akahoi tlangkung la awm tite awngna awm nawh – cf, Job,10:13; Efe,3:9.
 2. Thlaang pakhat reksak la a awm nawh natah amah oen amah lungna u tangkiik dawngah ni. Mami he Pathen lawng mami kah kamah-lungna te khoe pe ham nih angoe. Zamingthawlh nathli oen ngaihkhuekna nawhthli boeih tah pakhat bueng thaihu – ahuep kamah-lungna kalawng thoeng la awm.
- F. Mami lawng n'poeng tangte soeprep boeih tah poekna pakhat cabueng awm tite zakming ham angoe – tetah Pathen hingna tah mami danwg kalawng patoeng zalpaw tih mami dawngah tuengna a awm ham ni. Khuiben thlaang tah zalpaw tih atuengna a awm hiltoe mami kah dauben thlaang tah reksak la awm hawn seh – Jhn,12:24-26; 2Kor,4:12.

Muithla Zalpawna oen Pathen kah Atuengna ham Dauben Thlaang Reksakna oen Tuhkai tih Pawlnengna

Pathen lawng mami te n'tu kawng dawngah diklai n'awmsak tite n'ming ham theen. Bawipa lawng mami te diklai ah n'awmsak natah mami kah mikhuh tah thlaangthawlhthli, oengcathli oen diklai ah doengna hamla aka pawng aka halhna te thoengsak ham ni. Mami kah bibi dawngah mami lawng thlaangthli khuiah pawng halhna te sai pe ham awm. Mami khuiah zaming akarai caihpanna, tharaana, cuuncahna oen bawmcmna a awm ham tih, thlaangthli te mami kah mikhaai awmna rangoen Pathen te atlap ham zooekla a awm ham ni. Thlaangthli lawng mami te n'huhtunna oen mami teng awlthuina kah thaitak la Pathen akatlap ngaihna lungbui awm ham theen. Mami lawng thlaangthli khuiah Pathen ham kawngaih pakhat saina a awm mueh la, hethli te humtuunna oen awlthuina bueng awm mai kawi nih, tetah n'sungduehna la awm tite athuingaih. Mami lawng Baibulca n'teena, thangthuina, tuizoih bibina oen awlthangtheen thuinathli lawng thlaanghing khuiah teang akabou pawnghalhna athoeng sak nawh atah, mami kah bibima sungdeuhna la ni a awm. (*The Collected Works of Watchman Nee, vol. 42, p. 238*)

Sengpahrangthli capat pahihna 4 lawng Shunam nu lawng Elisha te kamzin doudalna kawng te athui. Caciim lawng "Hinath ah Elisha tah Shunam khaw la cet. Teah broenawh akatheen huta khat awm tih, te huta lawng buhcaak hamla athlawh. A ceh roekah, buh caak hamla teah pah poepa. Tekah huta lawng a va tengah, Mah im benah aka law poepa thlaang he Pathenk ah thlaangciim ni, a tina" tila athui (athan, 8-9). Elisha tah Shunam khaw te apoeng. Meang thuihawngna khaw thui nawh nawhatah kawpoekrai noekna pakhat khat khaw sai nawh. Aceh veng roekah melkoep tih te huen ah caakaawk acaak. Te huta lawng ahik kah caakaawkna lawngim rangoen Pathen thlaang pakhat tite apekthle thai. Hetah Elisha lawng thlaangthli teng mingsakna thaihu la awm.

Tihin mami lawng mah oen mah n'doet ham ni "kai lawng thlaangthli teng meang thaihu te ka mingsak poen kai? Mami teng kalawng aka thoeng tah meang nuem? Mami lawng dauben thlaang reksak ham tila koe koe n'thui u poen. Dauben thlaang tah reksaknawh kawi nih thlaangthli teng ming sakham koei tah dauben thlaang la ni awm vetih, atloe awm ma nawh. Mmai lawng thlaangthli te thlouthlan veng roekah, kamah lungna, thin takna oen kai tina la aka awm ngaih aka awm nawh khansana teni peek la awm mai thai. Nawhatah broe aka thoem, awl broe akathui thoem tite mingsak la awm mai thai. Thlaangthli tengah akatheen mingsakna na peek mai thai. Tede he mingsakna lawng Pathen angaikhuek sak kai aw? Telawng thlangboel kah angoe nate soep sak thai aw? Pathen tah ngaihkhuekna a awm nawh tih, thlangboel lawng mami kah akatheen tila mingsaknathli te ngoe nawh.

Mami kah dauben thlaang tah reksakna awm nawh kawi nih mami kah muithla tah zalpaw thai ma nawh, thlaangthli tengah mingsakna thaihu tah muithla kah mingsakna la awm thai ma nawh.

Thlaangthli tengah mingsakna thaihu tah mami dawngah aka awm tha akaraa koek avangthal la awm. (*The Collected Works of Watchman Nee, vol. 54, "The Breaking of the Outer Man and the Release of the Spirit, pp. 238, 237*)

Message Two

A BEEK CAWNG THIL HINGNA

Caciim Teeham; John.15:1, 4-5, Rom.11-17-24, 1Kor.6:17

- I. Khrih dawngah oengcathli rangoen mami tah a beek cawng thil hingna-Bawipa oen mami muithla pakhat la n'cooeng tih, Bawipa oenah aka hing pawlnel tuh kaaina dawngah aka awm hingna te n'hing hamla tueng-1Kor.6:17, John.15:4.**
- II. Bible lawngah Pathen lawng thlanghing oen haih a dang hamla a ngaih tuh kaaina u tah Bawipa oen thlanghing he pumkhat la a cooengna hamni tite a tuengsak-1Kor.6:17.**
 - A. Pathen lawngah tah Pathen amah kah hingna oen thlanghing kah hingna he haih thoek u tih hingna pakhat la a cooeng hamla a ngaihna awm-John.15:1, 4-5.
 - B. Hekah pumkhat cooengna he aka hing cuutna, hingna dawngah cuutna- a beek cawng thil hingna ni.
 - C. Pathen kah hingna oen thlanghing kah hingna he pakhat la a beek cawng thil nakah poekna hetah hup tih, thlanghing poekna lakah sang tih, thlanghing poekna oen langloe la awm.
- III. A beek cawngthil na dawngah aka vai hingna pahih he piitpawm tuhpha u tih, te coengah thik at la rooeng hang- Rom.11:17-24.**
 - A. A beek cawngna hetah n'cawng ham koei a beek pahih bawkah hingna he avai hih dengah ni apu a awm thai ai.
 - B. Mami kah thlanghing hingna he Pathen kah muisam dawngah Pathen kah a muisam oen avai u la n'suen la a awm dawngah, tetah Pathen kah hingna oen piitpawm u thaila awm.
 - C. Mami kah thlanghing hingna he Pathenben kah hingna oen vai hih. Tedawngah Pathen kah hingna oen thlanghing kah hingna he haih cawng u thai tih, hingna te haihah rooeng thaila awm.
- IV. Mami tah khrih kah khuila a beek cawngthil na thai hamla Bawipa lawng thlanghing la cooengna, duekna oen thawh koepnathli te a poeng hang.**
 - A. Khrih he David kah cadil, David kah a beek, a dawn la a awm ham thisa la va cooeng thuk. Tedengah ni mami tah Bawipa oen haih a beek cawng thaila a awm ai. Bawipa tah mami angla va cooeng thuk, tedengah ni Bawipa oen mami he thikat la a beek cawng thaila awm ai-Matt.1:1, Zek.3:8, Eze.23:5, 33:15.
 - B. Khrih he thinglam sawah "a boeek" thil la awm, tedengah ni mami tah Bawipa kah khuila a beek cawngthil thaila awm ai.
 1. Khrih tah David kah a beek la a cooengna hetah Bawipa he mami oenah cut u thai poen tila a thui ngaih na nawh ni.
 2. A beek cawngna hetah boeekna te angoe. A beek pahih bawk te boeekna awm nawh kawih nih thikat la n'cawng thai nawh mue.
 - a. Khrih tah thinglam sawah a duek vengah boeekna te awm.
 - b. Mami lawng thawlh n'zut tih Bawipa te n'doei u vengah boeekna te awm.
 3. Boeekna a awm coengah piitpawmna oen hingna benkah cuutna he va thoeng hang. Tedawngah a beek cawngna dawngah mami lawng boeekna, piitpawmna, hingna benkah cuutnathli te n'dang u.
 - C. Khrih tah thinglam sawah boeek la a awm coengah Bawipa he hingna aka pekung Muithla la a cooeng ham thlou koep la awm- 1Kor. 15:45b, 2Kor.3:17a.
 - a. Hekah hingna hetah duekna oen thawh koep hingna ni.
 - b. Hingna aka pekung Muithla la khrih lawng duekna oen thawh koepna la cabi te mami oengcathli kah khuila van khuen tih, te rangoen mami tah Bawipa oen n'duek haih tih thawh koepna te a awm thai ai- Gal.2:20.

- c. Hekah duekna oen thawh koepna dawngah mami tah khrih oenah thikat la a beek cawng thil la n'awm u.

V. Thang koepla ka awm thlangthli rangoen mami tah a beek cawng hingna- a boula rooeng ham athloep pahih he haih piitpawm nakah hingna- te n'hing pui hamla awm-John.15:1,4:5.

- A. Mami tah khrih khuila a beek cawngla n'awm u coengah mami lawng mah ngaihna rangoen n'hing ham tlaih nawh ni, tezuengla Pneumatic khrih te mami kah khuiah n'hingsak hamla awm- Gal.2:20.
- B. Mami lawng mah kah thisa rangoen nawh atah mami kah coengna rangoen n'hing hamla awm nawh. Tezuengla mami kah ka thang koep muithla, khrih oen a beek cawngla ka awm muithla dawngah n'hing hamla awm- Rom.8:4.
- C. Hekah a beek cawngna rangoen ah mami tah Bawipa oenah n'thoek u tih, Bawipa oen n'piitpawm u tih khrih kah takpum la n'cooeng ham Bawipa oen cuut la n'awm u- 12:4-5.

VI. A beek cawng hingna hetah thawthe nakah hingna nawh tih, thlanghing kah hingna oen Pathen kah hingna athoek tuhphana ni- Gal.2:20.

- A. Thawna hingna kah a poekna tah mami kah thlanghing hingna te Pathen tengla n'peek tih, Bawipa lawng tete amah kah Pathen hingna oen a thawna ni.
- B. Khrih thlang hingna he thawna kah hingna nawh tih, a beek cawng hingna – thlanghing kah hingna oen Pathen hingna kah a tuhpha hingna ni- Rom.6:3-5, John.15:1, 4-5.
 - 1. Te huenah hingnathli te thawthena nawh atah a zoeih a lainathli a awm moenih.
 - 2. Thawthena lakah Pathen kah hingna te thlanghing kah hingna khuila a rekraana, a thloenna, Pathen kah hingna oen thlanghing kah hingna tuhphana ni a awm.
- C. Khrih thlaang huh taawngna dawngah kaw poekrai hamla aka awm bik a soengna tah khrih dawngah oengcathli he hingna kah a lawngim dawngah khrih oen thikat la a tuh phana u he ni- 1Kor.6:17.
 - 1. Khrih kah a coengnathli boeih oen Bawipa lawng a sai thaihu boeih he thaihu pakhat bueng hamah ni- tetah Bawipa oen mami he aka hing tuhphana awm vetih, a beek cawng hingna te n'hingna u thai hamla ni- John.15:4-5.
 - 2. Bawipa kah dang koepna dawngah Bawipa lawng a beek cawng hingna kah a kaawng a laam la ka awm, hekah tula sak la ka awm nawh a kaawng a laam te a dang koep la awm.

VII. A beek cawngthil hingna dawngah thlanghing te khoena nawh tih, Pathen kah hingna rangoen thapeekna, thangpawmna oen a bawi sakna ni- Rom. 11:17-24.

- A. A beek cawngthil hingna dawngah a beekthli lawngah he a awm mueh la cooeng nawh tih a coengnathli boeih te a kuem khak de, tekah hingna tetah patoeng aka theen ngai hingna khuila a beek cawngna rangoen pawmsang la awm tih a muisam thawleng u.
 - 1. Patoeng aka sangla ka awm hingna lawngah tah aka hem hingna te a taa tih a uk.
 - 2. Patoeng aka sangla ka awm hingna lawngah tah aka hem hingna te a bawi sak tih, a thangpawm tih a muisam a thawleng sak.
- B. A beek cawngthil hingna dawngah Pathen kah hingna he mami kah khuiah takvuet tih aka theen nawh coengnathli boeih tea van hooep- 2Kor.3:18.
 - 1. Pathen kah hingna lawngah atah mah kah coengnathli boeih te ahoep hamla azaai cala takvuet.
 - 2. Mami kah aka awm ruem lungbui dawng kah aka thee coengnathli boeih te n'duek sak coengah mami kah aka awm ruem lungbui te a hooet mueh la Bawipa lawng tete a pawmsang tih, a hawna.
- C. A beek cawngthil hingna dawngah Pathen kah hingna lawng Pathen kah acuek suenna te a thawh koep sak- John.11:25.
 - 1. Bawipa kah suenna te a ceh taak lakah Pathen lawng tete a dang koep.

2. Pathen lawngah mami kah coengnathli boeih te a thawh koep sak hamla a poekna awm-Fil.3:11.
 - a. Pathen kah hingna lawng aka thee thaihu boeih te van hooep poen angla, te lawngah Pathen kah acuek suenna te a thawh koep hamla a sai.
 - b. He rangoenah mami kah sairuem la ka awm- suenna dawngah mami teng peek la ka awm sainathli he koep n'dang tih, n'thaa awm tih n'bawi u hang- Gal.2:20.
- D. A beek cawngthil hingna dawngah Pathen kah hingna he mami kah coengna khiiben late khrih kah a bawinathli te n'baawm cem la awm- Rom.12:2.
 1. Mami kah aka thou koep tih, pawmsang la ka awm coengna hetah khrih kah a bawinathli oen baawm cem thil la awm.
 2. Tetih la n'baawm cemna rangoen mami kah mingna, poekna oen ngaihathli dawngah a thaila thawleng u.
- E. A beek cawngthil hingna dawngah Pathen kah hingna lawng mami kah coengnathli boeih te a betooet sak- 8:29-30.
 1. Khrih kah a bawinathli lawng mami te n'betooet sak tih, mami te muisam n'thawleng sak- 12:2, 2Kor.3:18.
 2. He Pathen hingna kah a betooetna rangoen mami tah khrih kah a muisam toela muisam te n'vai u- Rom.8:29.

Message Three

Akaciim situi suuepna la ka awm akathoek u bawtui situi kah huhsakna oen awngna- Patoeng toeng kapoeng thumkhat Pathen kah kathoek u, soeprep kathum Muithla kah betoetna te huhsakna

Teeham. . Exo 30:22-30. Kor 15:45b. John 7:37-39. Fil 1:19

- I. Akaciim suupna situi, “Bawtui kasai thaithli oen bawtui situi te athoek thai u angla” Olive situi oen bawtui phun lii te thoek la ka awm bawtui situi tah patoeng toeng kapoeng thumkhat Pathen kah aka thoek u soeprep kathum, hingna kape kung, Muithla la ka awm, Khrih lawng Bawipa kah aduekna oen thawhkoepna dawg kalawng kathoeng Jesu Khrih kah Muithla te soepbir la huhsakna la awm. Eo 30:22-25. 1Kor 15:45b. John 7:37-39. Fil 1:19.**
- A. Hekah akathoek u situi dawngah kathum thaihuthli kah huh sakna tah a hui kah angla awm.
1. Raawk vuina dawngah ahawna bawtui la ka awm (John 19:39) aka lawng muerh tah Khrih kah aphu awmna, aduekna te huh sakna la awm (Rom 6:3).
 - a. Muerh lawng duekna, patang raina te adipsak ham, kahoeihsak tuisi lakhaw awm. Bawipa Jesu thinglam tai dawng aduek vengah Bawipa kah atlawhna te dip sak hamla muerh oen akathoek u misur zuu te anawn-Mark 15:23.
 - b. Muerh lawng pum dawngah sai palhna kalawng hingna tui athoeng vengah tlawhna adapna hamla khaw a hawna thai. Mami hingna dawngah zahawh palhna lawng hingna tui alawng sakna la awm, Tede thinglam tai dawngah Bawipa Jesu aduekna lawng hekah raina he ahoeitlang sak.
 2. Baw katui kasia tah Bawipa Jesu Khrih aduekna kah didipna oen aphu awmna te a huh sakna – Rom 8:13.
 - a. Kasia tah tha kazawl thinkaw te kahing hang sak kung tuisi la awm.
 - b. Mami lawng muithla dawngah Bawipa kah aduekna te mami kah coengna dawngah ng'khuen vengah mami kah lungbui thinkaw te Bawipa dawngah mami awmngaihna hamla n'hinghang sak – Fi 4:4. Neh 8:10.
 3. Cinamon tah tuicaap (or) nawng a daana huen ah a kapai akaroeng capuu kalawng valaw tih, Khrih kah phu akatlou thawhkoop hingna te huhsakna – Efe 2:6. Kol 3:1. 1Pit 1:3.
 4. Rui bawtui tah aruem vengah tlawh mithli oen ruulthli te avai na tuisi la a hawna tih, Khrih thawhkoepna lawng avai na tharaana te huhsakna la awm. Rui bawtui lawng akathee “tlawh mithli” boeih, awlpui la ruulruem la ka awm seitian te avai tih akhoe- Fil 3:10.
 5. Akathoek u bawtui situi kah kungpui la ka awm olive situi tah akathoek u muithla kah akungcuek la ka awm Pathen kah Muithla te huh sakna la awm- Gen 1:2.
- B. Nambat 4 tah suenla ka awmthli te huhsakna tih (Ezek 1:5), Te dawngah thlanghing te lu la awm tih (Gen 1:26), Nambat 1 tetah nuehtah thainawh Pathen te huh sakna la a awm dawngah (Deutr 4:35, 1Tim 2:5), bawtui phun li tetah Pathen kah suenna dawngah Khrih kah thlanghing coengna te huhsakna tih, Olive situi tetah Bawipa kah Pathen coengna oen kawai u, nuehtah thainawh Pathen te huhsakna la awm. Te dawngah Olive situi oen bawtui phun li haih thoekna tah akathoek u Muithla dawngah Pathen oen thlanghing, thlanghing coengna oen thoekna, haih athoekna te huhsakna la awm- Levi 2:4 oen foot note 3.
- C. Olive situi oen bawtui phun li boeih te n'neet tih (or) boet sakna kalawng coek roek la a awm coengah, Pathen kah Muithla te Khrih kah muithla la coeng tih, (Rom 8:9), tetah Khrih patang khangna dawng kalawng a awmna (Mt 26:36) te huhsakna la awm.
- D. Te bueng muehla, bawtui phun li kah pungtaina tah shekel 500 boeih akasoep tahna 3 la awm tih, alung kalawng shekel 500 te thloep hih la apekna tah thawhkoepna dawngah thumkhat Pathen te huhsakna tih, pabe kah capa tetah thinglam tah dawngah Bawipa aduekna rangoen “A pekna” te huh sakna la awm.

- E. Cabu ciim dawngah nambat 5 tetah bibi hutna nambat la awm tih, (25:2 oen foot note 1), akathoek u bawtui situi kah a coengna 5 oen bawtui phun li kah shekek 500 rip, tahna 3 boeih te bibi khuenna hamla tharaana la, thawhkoepna dawngah ka awm thumkhat Pathen te huh sakna la awm.
- F. Nambat 3 oen 5 tetah Pathen kah sakna oen tuhkai la a awm dawngah (Gen 6 dawngah ka awm footnote 15 te bueh la) Thooek la ka awm bawtui situi kah nambatthli tah aka thooek muithla dawngah Pathen kah sakna hamla a coengna awm tite huhsakna la awm.
- G. Asawben kah huh saknathli dawngah kungsut tih, olive situi oen haih bawtui phun li te athoek tih, suuepna situi la a saina tah asawben kah a coengnathli oen Pathen kah Muithla te Khrih kah thlanghing coengna, thlanghing la a hingna, thinglam tah dawngah a duekna, thawhkoepna oen van a luina dawng kalawng thooek la awm tih, Pathen kah dungzan a awmna huen sakna hamla akathoek u muithla athoengna hamla ni tite huhsakna la awm.

II. II. Aka ciim situi suuepna la ka awm akathoek u bawtui situi tah Himbai im oen ahaw paina boeih, bawktang oen ahaw painathli boei, beldung oen akhaaw, khawsoeihthli boeih te situi thlukna hamla hekah thaihuthli boeih te Bawipa kah apoekna hamla Pathen tengah ciimna, hooep tlangna, ciim caih la awmna ham a hawna la awm – Exo 30:26-30. 1Pit 1:2. 1Kor 6:11. Rom 15:16.

- A. Hekah bawtui situi tah thumkhat Pathen te Khrih kah thlanghing coengna, thinglam tah dawngah aduekna oen thawhkoepna te patoeng toeng apoeng tih, soeprep kathum, kathoek u muithla la coeng tih, amah lawng atlang thlangthli tengah apha coengah tethli te Bawipa amah lawng situi asuuep tih, amah oen pumkhat la a awmsakna te huh sakna la awm – John 20:22. 1John 2:20, 27. 2Kor 1:21. 1Kor 6:17.
- B. Tetila situi suuepna, mami khuiah akathoek u muithla kah tatvuetna tah mami dawngah thlukna oen patoeng toeng apoeng tih, soepbir la ka awm thumkhat Pathen kah a coengnathli te mami kah coengna khuiah thooekna te asai tih, te rangoen mami kah khuiben thlanghing te Pathen ben coengnathli oen n'roeng u tih, mami tah Pathen oen pumkhat la n'thooek thai u poen ai- Kol 2:19.
- C. Aka ciim suuepna situi tah Pathen awmna huen oen khawsoeih paihuen te situi suuepna ham mengtengna la awm (1Pit 2:5). Te dawngah Pathen awmna huen oen khawsoeih la ka awm thlangthli bueng ni akathoek u, soeprep kathum muithla te awmngaih thai u ai.

III. III. Olive situi oen huhsakna la ka awm Pathen kah Muithla tah situi mai la awmnawh tih, tahe atah akathoek u situi la awm poen. He oen tuhkai la John 7:39 dawngah “Te awl athui ngaihna tah amah te aka tangna thlang boeih lawng ahu la adang u ham koei Muithla te athui ngaihna. Jesu te thangpawm la a awm thlan huen dawngah Te Muithla la awm thlan huen” tila athui.

- A. Hetah Pathen kah bawilen tuengna, Bawipa a thawhkoep (Luk 24:26) thlan ah kathoek u muithla la awm thlan tina ni. Khrih athawh koep coengah ni tetila muithla kah thooekna (or) athoekna te soepbir la awm.
- B. Muithla te Pathen kah Muithla la a awm vengah, Bawipa dawngah Pathen ben coengna ni ka awm. Bawipa te Khrih kah thlanghing coengna, thinglam tah dawng aduekna oen thawhkoepna dawng kalawng Jesu Khrih kah Muithla la a awm coengah te Muithla te Pathen ben coengna oen thlanghing coengna pahih baw la awm tih, Khrih thlanghing coengna, thinglam tah duekna oen thawhkoepna kah arilh oen a soengna boeih te thum la awm poen.
- C. Aka ciim situi rangoen huh sakna la ka awm hekah soeprep kathum akathoek u muithla tah Jesu Khrih kah Muithla akabe toet bawm cemna, Khrih kah takpum bawm cemna la awm tih, te rangoen mami tah takpum dawngah, takpum dawng kalawng, takpum hamla Bawipa abou la atueng thaina hamla Khrih te hing pui thaina la awm -Fil 1:19-21a.

IV. Oengcathli la ka awm mami lawng akathoek u bawtui situi oen, soeprep kathum muithla oen situi suuep la ng'awm upoen. Saam 133:2 dawngah situi suuepna tah Aron kah lu dawng kalawng bakhoep toela lawng tih, ahiah kah khaw awk lai toe metila alawng tite atuengsak. Hetah takpum boeih te Muithla rangoen situi suuep la a awmna te huhsakna la awm.

- A. Pumkhat coengna te akungsutna huen tah mami kah coengna khuiah thluk la ka awm aciim situi, akathoek u muithla te patoeng toeng kapoeng thumkhat Pathen la awm- athan 1-3.
- B. Bawtui situi oen "thluk" hamla tah (1John 2:20, 27), mami tah thlangboel oen pumkhat la awm hamla angoe. Te vengah mami tah situi suuepna oen mami ah coengna boeih thlukna te pahoei ng'awmngaih pui u ai. Hekah situi thlukna rangoen athoengsak pumkhat coengna te meti toela kawpoek rai mah aw.

Message Four

Aka Soeng Misur Kung La Ka Awm Khrih Dawngah Awm Poena

Teeham – John 15:1, 4-5, 7. 1 John 2:6, 27-28. 3:24. 4:13, 15. Rom 8:4

- I. Bawipa Jesu lawng “kai tah misur kung tang la ka awm” tila athui – John 15:1a. Awlp 14:18.**
 - A. Hekah misur kung (capa) oen abeekthli (capa dawngah ka awm oengcathli) tah Pathen kah kamthlahna dawngah ka awm thumkhat Pathen kah akahing tawmbenna la awm.
 - B. Hekah akahing tawmbenna tah Bawipa kah betoetna oen haih roeng tih, Bawipa kah Pathen ben hingna te a tuengsak.
- II. Misur kung dawngah abeekthli la ka awm mami tah a kung dawngah, awm poe hamla angoe – John 15:4-5.**
 - A. Bawipa dawngah awmna tah thooekna a kawnglam la awm. Bawipa dawngah awm poena tah pawlnengna a kawnglam la awm – 1Kor 1:9, 30.
 - B. Misur kung la ka awm Khrih dawngah mami awm poena tah misur kung dawngah mami abeekthli la awmna te aciim cala huh doenna huhna dawngah ni a awm. Mami tah misur kung dawngah abeekthli la ng’awm u tite ng’huh poen atah mami oen Bawipa laklaw kah pawlnengna te khoemdoen hamla angoe – John 15:2.
 - C. Khrih thlang hingna tah Bawipa dawngah hingna la awm. 1John2:6, 27-28, 3:24, 4:13, 15.
 - D. Khrih dawngah mami awmpoena tah Bawipa te mami dawngah a awmna paihuen la awm. John 15:5a.
 - E. Misur kung oen n’thlaa u poen atah mami tukhaw n’sai thainawh. Mami dawngah tukhaw awmnawh, mami tukhaw n’sai thainawh – athan 5b.
 - F. Abeekthli te a kung dawngah a awm dengah ni akung te tethli hamla soeprep la a awm thai ai.
- III. Mami tah Khrih dawngah ng’awm poe u tih, te rangoen Bawipa kah soeprep kathum situi suuepna te khuiben cangpuina hamla khuituukna rangoen mami dawngah poe awm thai ai – 1John 2:27.**
 - A. Mami lawng Bawipa kah thisen oen silhciemna te ng’huhtawng tih, mami khuiben coengna dawngah situ suuep la ka awm muithla te khuenna rangoen Khrih oen thik at la Pathen ben kah pawlnengna dawngah ng’awmsak- John 15:4-5. 3:14. 2Kor 1:21-22.
 - B. Lu la ka awm Khrh tah situi akadang thlang oen situi suuep kung la awm tih, mami tah Bawipa kah abeekthli la, Bawipa kah apoekna te soepbir sak hamla khuiben situi suuepna la Bawipa te ng’awmgaih pui u – Heb 1:9. 3:14. 2Kor 1:21-22.
 - C. Mami khuiah akathoek u muithla kah tatvuetna oen bibina la situi te Pathen lawng mami khuiah vansuep. Te a ni mami tah Pathen oen m’betoet, Pathen te m’pang, Pathen kah mingna te zaming u thai ai. Situi suuepna tah hingna te khuiben mingthimna, khuiben lungbui mingna rangoen oengcathli tengah takpum kah lu la, Khrih kah mingna oen tawmben la ng’awm u – Saam 133 1Kor 2:16. Rom 8:6, 27.
- IV. Bawipa dawngah awm poena tah Bawipa oen Muithla pakhat la awmna, tetah kathoek u muithla dawngah hingna la awm- 1Kor 6:17.**
 - A. Awlkhueh thai kah arilh tah muithla pahih-Pathen Muithla oen thlanghing muithla te pakhat la haih athoekna la awm- athan 17. Rom 8:4.
 - B. He Muithla pahih kah cuutna tah cabu ciim dawngah awlhuep koek thaihu la awm.
 - C. Muithla ah pakhat tila a tuengsakna tah Muithla ah Bawipa oen mami kah muithla haih thooekna te athui ngaihna la awm- 1Kor 6:17.
 1. Mami kah muithla oen Bawipa kah Muithla te pakhat la athoekna muithla tah Bawipa kah Muithla oen mami kah muithla pahih bawk la awm- Rom 8:4. 2Kor 3:17. 1Kor 15:45.

2. Mami kah muithla ben huhtawngnathli boeih te Pathen oen mami pawlnengna, Bawipa tengah thangthuina, Bawipa oen haih hingna, tethli boeih te akathoek u muithla dawngah awm.
- D. Pathen kah kamthlahna laklung kir tah-akathoek u muithla la ka awm Pathen Muithla oen thlanghing mithla haih athoekna la awm. Pathen lawng bi abi ham, (or) bibi acoengna ham mengtengna boeih te hekah lak lungkir la awmna oen tuhkai u- Efe 3:5, 9. 1:17. 2:22. 5:18. 6:18.
 1. Bawipa oen muithla pakhat la awmna rangoen mami lawng Bawipa te soeprep kathum Khrih la huhtawng thai u-1Kor 1:2, 24, 30. 3:11. 5:7-8.
 2. Mami lawng Khrih te ng'huhtawng thai u, Khrih te soeprep la ng'khuen thai u, metitiah mami tah Bawipa oen muithla ah pakhat la ng'awm dawngah ni.
 3. Bawipa oen muithla ah pakhat la ka awm thlangthli boeih hamla tah bawmcmenna te boet thainawh.
- E. Akathoek u muithla tah Pathen oen Muithla khat la ka awm, Lu paihuen ah nawh tih, hingna oen acoengna dawngah Pathen oen akavai u muithla la awm.
 1. Pathen kah Muithla oen thlanghing kah muithla te mami khuiah pakhat la thoek upoen, Te ani mami tah Pathen thlangkah hingna, Pathen la awm de thlanghing, thlanghingla awm de Pathen la coengna hingna te ng'hing u thai poen ai- Gal 2:20. Fil 1:19-21a.
 2. Pathen – thlang hingna tah muithla pahih te pakhat la thoekna rangoen thik at la thoekna hingna la awm.
- F. Bawipa oen Muithla khat la awm hamla tah mami he Bawipa dawngah ng'awm tih, Bawipa he mami dawngah a awm vengah mami oen Bawipa he hingna dawngah pumkhat la awm tite athui ngaihna la awm- John 3:16, 1John 5:12.
- G. Akasoeng Khrih thlangthli la awm ham, tihin thumkhat Pathen kah a tuengna la ka awm Bawipa Jesu tah mami muithla dawngah ka awm, mami kah muithla oen ka thoek u muithla la awm tite mami lawng ming hamla angoe- 2Kor 3:17. 1Kor 15:45. 6:17.
- H. Cabu ciim lawng mami tah akathoek u muithla angla khawkan hamla akuek- Rom 8:4.
 1. Soeprep boeih hamla cabi tah cunthai la ka awm mami kah muithla dawngah ka awm, mami kah muithla oen muithla pakhat la ka awm kawpoek rai muithla dawngah ng'huh u.
 2. Muithla dawngah hingna tah Khrih te mami dawngah sangna oen abe sak tih, Bawipa te mami kah coengna boeih dawngah sak kun tih, tetila mami dawng kalawng a tuengna toela atue then te peekna la awm- Efe 3:17.
 3. John 15:4-5 dawngah ka awm benbang la awmna tah Bawipa oen muithla pakhat dawngah awmna te atak la bibina la awm.

V. V. Aphu ka awm thangthuina thli tah mami Pathen dawngah awmna oen Bawipa kah a awlthli te mami dawngah a awmna kah akathoeng apfu awmna la awm- athan 7.

- A. Thangthuina tah thlanglawng Pathen oen haih thoek tih bibina, Pathen te thlang dawng kalawng patoeng a tuengna ham atue m'peek tih, Bawipa kah apoekna te asoepsakna la awm. Thangthui thlang tah Pathen oen haih bisaina, Bawipa kah kaw ngaih te khuiben kalawng patoeng a tuengna ham atue then kapee thlangla awm- Rom 8:26-27. Jacob 5:17.
 1. Thangthuina tah thlanghing oen Pathen laklaw ah a lawngna la awm tih, thlanghing oen Pathen laklaw kah benbang tuhkaina la awm.
 2. Thangthuina kah akasoeng huhsakna tah mami kah muithla dawngah Pathen te tuhkai ham, Pathen te daawpna hamla ni- Efe 6:18.
 3. Mami dawngah ka awm Khrih te huhtawngna ham oen Khrih te hingpui ham a lawngim tah akasoeng a lawngim dawngah thangthui hamla ni- Kol 1:27. 3:4. Fil 1:20-21.
- B. Mami he Bawipa dawngah ng'awm tih, Bawipa kah awlthli he mami dawngah a awm atah, ngoe ngaihna te m'peek ai – John 15:7. 1John 5:14-15.
 1. Mami lawng Bawipa kah mingthimna te ng'huhtawng vengah Bawipa kah mengtengna te zaming u ai. Te atah Bawipa kah kaw ngaihna te mami dawngah pahoei n'dang u ai.

2. Bawipa kah akaw ngaih te mami kah kaw ngaih la awm tih, Bawipa kah angoe thaihu te mami kah angoe thaihu la awm poen ai, mami lawng he kah akaw ngaihna angla thangthui hamla angoe.
3. Bawipa lawng hetila thangthuina te a phi apeek ai, metitiah mami Bawipa dawngah ng'awm utih, Bawipa kah awlthli te mami dawngah a awmna dawng kalawng akathoeng thaihu la awm.

VI. Mami tah Khrih dawngah ng'awm poe tih, Krih te mami dawngah a awm poe atah, mami dawngah thlangboel hingna te n' dang thai u ai- John15:4-5. 1Kor 1:2, 9, 30. 12:27.

- A. Mami lawng akasoeng thlangboel hingna te akathoek u muithla dawngah ng'hing puina rangoen a ni n'dang thai ai. Mami lawng thlangboel hingna hamla hekah akathoek u muithla dawngah awm poe hamla angoe- 1:2. 12:27.
- B. Thlangboel hingna tah khat oen khat lungna hingna la awm- John 15:12, 17.
- C. Mami he misur kung la ka awm Khrih dawngah ng'awm poe u vengah mami tah aka bawk haih abeekthli oen kawpoek rai pawlnengna dawngah n'thumna la awm – athan 4-5. 1John 1:3-7.

Message Five

Pathen Kah Ruepawm Im Khui Kalawng Ah, Te Im Hamla Hingna Kah Bibina Oen Hingna A Laawngna Te Ng'awmngaihna Rangoen Khrih Thlaang Hingna Te Hing Puina

Teeham. Ezek.47:1-12.2Kor.3:6. 1Kor.9:11. 3:6,9.4:15.3:2,12.

- I. Khrih thlaang hingna la hing hamla mami lawngah Pathen kah im khui kalawng aka thoeng hingna kah a laawngna te awmngaih hamla angoe-Ezek.47:1-12.**
- A. Pathen kah a boetkoek tatvutna tah thlaanghe Pathen kah a bawilen a tuengna hamla amah kah hingna, a coengna oen a rilh dawngah a coengna pumboeih oen a zulpuem sakna rangoen thlaang te Pathen la coeng sak hamla thlaang dawngah a tatvutna la awm-2Kor.3:18.1Jhn.3:2.
- B. Tui te bawkthang akaak benkah a huui kalawng va thoeng- Ezek.47:1.
1. Tui te ava laawngna hamla thawh hawlhna te a awng u hamla awm-ref.Saam.81:10.
 2. Mami he Bawipa tengla n 'zoeirep tare tih, amah oen n'tuhkai u tare vengah, thlangboel khuikah aka hing tui a laawngna hamla ng'awng u poen ai-Hymns-434.
- C. A laawngna tah khawlaw benla awm- Ezek.47:1.
1. Pathen kah tuiva tah Pathen bawilenna kah maawtna dawngah laawng-ref.Num.2:3. Ezek.43:2.
 2. Thlangboel dawngkah thlangkhat rip lawng Pathen bawilenna hamla tlapna oen n'khuituuk u kawinih aka hing tui he thlangboel dawng kalawng va laawng poen ai-Jhn.7:181Kor.10:31
- D. Tui te im kah bantang ben kalawng va laawng- Ezek.47:1.
1. Baibulca dawngah bantang ben he a saangkoek huen, pakhatna a huenla awm-ref.Heb.1:3
 2. Hingna a laawngna he mami khuiah lamhacuek a huen dawngah a awm ham awm, mami hingna oen bibina dawngah aka tungep pe a kungmawngla a awmham awm-Awl.22:1. Kol.1:18b.
- E. A laawngna tah bawkthang a kengben kalawng ah law tih, mami lawngah thinglam kah hoei atlaangna te n'ngoe u coengah, hingna a laawngna te ng'awmngaihna hamla soepbir nawna te n'ngoe tite a tueng sak-Ezek.47:1.
- F. Hingna a laawngna a pungtaina hamla mami lawng ruhum thlaang la Bawipa rangoen n'tahna uham angoe-40:3.47:2-5.Awl.1:15.ref.Jhn.7 ;37-39.
1. Tahna utah sekbouna, noekdakna, awlcekna oen khuehtoenna hamla ni. Dawng thawngkhat atahna pali he aka soep unit pakhat la awm tih(ref.Saam.84:10) a suen thlangthli mami he Bawipa rangoen pumboeih la tah ham angoe, teah ni amah lawng mami kah coengna pumboeihla avan lawh ve tih pumboeih la n'khuehtoen thai ai tite a thuinuet(Isai.6:1-8).
 2. Mami lawng Bawipa te sekbouna, noekdakna oen awlcekna rangoen amah koe la ng'awm sak tare vengah, a laawngna he dung tare la awm. A laawngna kah a dungna he Bawipa lawngah mami mezoeh toe n'tahna sawah te awm-ref.1Jhn.1:5,7.
 3. Mami he Bawipa rangoen n'tah u tare, hinga kah a reenna a laawngna rangoen cekkalhna oen boet sakla ng'awm tare coengah, hukhueng atah zou hamkoei tuiva la aka laawng thumkhat Pathen dawngah m'buek u tih, n'khuenna toela va awm. Khatben ah mami kah zalpawna boeih te n'thlaawng u, tede atloe khatben ah a tangtang zalpawna te n'dang u- Ezek.47:4-6.
- G. Tuiva tui lawng soeprep boeih te a hing sak. Tuiva aka laawng lawngah thingkungthli, ngathli oen ramsathli te a thoeng sak-athan.7,9-10,12.
- H. Tuiva tui lawng aka hul tih aka pek diklai te tui a zul sak tih, duekna tuithli te a hoeih sak. He tuisuepna oen tlawh hoeih sakna tah hingna a thoeng sakna ham teni-athan.8.
1. Tuiva tui lawng tuinawk oen taknawng tetah tlawh hoeih sak thai manawh. Tuinawk nawh atah taknawng tetah laklaw kah lai, lawngpueng lii, awlroepna saina oen linguel coengna huenla awm- athaan.11,ref.Awl.3:15-16.

1. Hingna a laawngna hamla, thlangboel hingna hamla Bawipa Jesu lawng a pumboeih coengna te a ngaih, a kuek. A pumboeihla coengna rangoen mami tah a laawngna dawngah ng'awm u tih, a laawngna tah tep tep a cipna te nawh tih, a zouna tuiva la va awm poen ai. Te veng atah soeprep boeih he tuiva a laawngna roek ah hing u poen ai.

II. Mami lawngah Khrih te hingna a laawngna la ng'awmngaihna hetah mami he Pathen kah kawpoek rai hingnaben sakna la aka awm Pathen kah ruepawm im hamla hingna te bibina oen cangtii aka hehthli, aka lingthli, tui aka suepthli, a cuun thlangthli, cuuncah kungthli oen aka sa kungthli la ng'awmham teni.-2Kor.3:6.

- A. Hingna bibikung tah muithla ben cangtii aka heh kungla awm.
 1. 1Kor.9:11 dawngah Paul lawngah Korinth thlangthli tengah" Kaimi lawng nangmi dawngah muithla ben thaihuthli te kan tuh u poen" ati na. Muithlaben thaihuthli tah muithla ben cangtii a thuingaihna ni.
 2. Cangtii tah hingna sangna hamla tih, muithla ben cangtii tuhna tah mami kah muithla dawngah, muithla oen haih, muithla khui kalawng hingna te rekra hamla ni. Bawipa Jesu he cangtii tuh kungla va law tih, amah oen amah te hingna cangtii la thlanghing khuiah tuh u- Matt.13:3,37.
 3. Bawipa kah dangkoepna dawngah paipiithai bibikungthli la mami lawng Khrih te thlangtloethli khuiah rooeng sakham oen a thoengna hamla hingna aka rekra ham cangtii tuh kungthlila awm angoe.
- B. Hingna bibikung tah Khrih te Pathen kah thlangthli khuiah aka lingkung la awm-3:6
 1. Pathen hingna oen Khrih dawngah cuunthaila aka awm oengcathli tah Pathen kah suenthaina dawngah louha, Pathen kah laikawk la ng'awm u- athaan.9.
 2. Khrih te thlangtloethli khuila lingna ham mami lawng ah Khrih te muithla dawngkah hingna la a soeng huhtawngna a ngoe.
- C. Hingna bibikung tah thlangthli te Khrih oen tui aka suep pekungla awm. Mami lawngah Khrih te thlangtloethli khuiah n'ling poen atah, ahimi te hingnatui oen suuep hamla angoe-athan.6.
 1. Pathen kah laikawk dawngkah tui aka suepkung te tuitungna im kalawng tui aka lou tih laikawk tui a suuepna oen n'nuehtah thai. Pathen kah laikawkla thlangboel te tuisuep hamla mami khuiah aka hing tui te tungna oen haih aka awm Pathen ben "Tui laawngna a lawng a im"la ng'awmham awm.
 2. Mami lawng Khrih te hingna tuila a soeng huhtawngna oen aka hing thlouthlanna awmhamla angoe, tedeng ah ni mami he aka hing tuilawng, Pathen ben tuilawhna a lawng a im la ng'awm thai ve tih, tetah thlangtloethli te hingna tui oen m'bawmcem thai poen ai- JHn.4:14. 7:37-39.
- D. Hingna bibikung tah hingna te a canauthli tengah aka sangpe, aka cuun kung ana pa la awm-1Kor.4:15.
 1. Cuunna tah muithla ben canauthli te thoeng sakna, ahimi te hingna a sangpena kalawng patoeng cuunna la awm.
 2. Mami lawng thlangtloethli khuiah Pathen hingna te sangpe hamla Pathen ben "Hingna cangtii" awmham angoe, teah ni ahimi te Pathen kah canauthli la n'cuun thai ai.
- E. Hingna bibikung tah cuuncah kungla awm. Cuuncahna tah hingna ben thaihu la awm. Tetah cuihna benla aka awm cangpuina oen vai ahil nawh.
 1. Aawk koei suktui peekna nawh atah caak koei buh peekna tah thlangtloethli cuuncahna ham teni(3:2). Celtuih lawng Korinth oengcathli te bi abi pena tah suktui la awm tih, te lawngah ahimi te a bawmcem hamla awm.
 2. Celtuihthli kah a ciim cangpuina tah thlangthli tengah hing bawmcemna la cuuncahna ham nawh atah ahimi hoeihna ham sading sakna cangpuina te a bina la awm-1Tim.1:10b.6:3.2Tim.1:13. Titu.1:9.
- F. Hingna bibikung tah sui,ngun oen phutlou lungtouthli oen aka sakung la awm.

1. Sui tah Pathen coengna dawngakh Pa Pathen huhsakna tih, ngun tah tlangna bibi dawngah Khrih huhsakna la awm coengah, phutlou lungtouthli tah mui thawhengna bibi dawngah Muithla huhsakna la awm.(Hetah thlanghing coengna huhsakna thing, thisa thlaang huhsakna- bel, hingna aka taal huhsakna cangkawngthli oen vai u nawh)-1Kor.3:12.
2. Laathli kah laa dawngah aka soeng thlangboel hingna dawngah soepsakla aka awm oengcathli tah mui thawheng kung Muithla oen haih bi abi tih, Khrih aka lungna tih aka tlapthli te thumkhat Pathen kah coengna moeiboethli te ahimi kah a theennathli la ava awmna ham a khuen puina rangoen mui thawheng sak hamla thumkhat Pathen te ahimi tengah a rekra pena rangoen a soep sak tite a tueng sak-1:10-11.
3. Hetah Khrih kah aka hing takpum la thlangboel te sakna hamla awm tih, tetah Pathen kah dungzaan akamthlahna soep sak ham Jerusalem khawthai te a soepbir sak poen ai-1Kor.3:12.Awl.21:18-21.

Message Six
Khrih Dawng Aka Awm Thumkhat Pathen He
Mami Kah Thinkawthli Dawngah A Vaangna Rangoen Mami Kah Hingnala A Coengna

Teeham: 2Kor.4:4, 6-7. 3:18. Matt.17:2. Efe.5:8-9. Awl.22:4a. 5b. 21:23

- I. "Te oeng nawh thlangthli tetah Pathen kah muisam la aka awm Khrih kah bawilen awlthangtheen kah angna te a peek thaina nawh hamla, tahe dung ukkung pathen lawng ahimi kah poeknathli te mik a pum sak poen"-2Kor.4:4**
- A. Tahe dungkah pathenla aka awm setan lawng oengnawthli kah poekna oen mingnathli mik te a pum sak, te rangoen Khrih kah bawilen awlthangtheen angna te ahimi kah thinkawthli dawngah ang thai tlaih nawh.
 - 1. A pum sak nawh atah khoep adah pe thlangthli lawngah himi he tukhaw ka bawk u moenih tila a poek u, a tak tang tah ahimi kah pathen tah setan teni.
 - 2. Pathen aka taal thlangthli lawng tu kasai u tite mingu muehla setan te a bawk u.
 - 3. Tihin kah thlangthli boeih angtoek he tahe dung pathen lawng mik a pum sak u poen.
 - B. Pathen kah muisam la aka awm Khrih he bawilen angna la awm. Te dawngah Khrih kah awlthangtheen he mami kah thinkawthli dawngah aka ang, khawseng aka thoeng, phung aka ang bawilenna awlthangtheenla awm. Heb.1:3. 2Kor 4:6.
 - C. Khrih kah bawilen awlthangtheen tah zouthenna aka dang Pathen kah bawilen awlthangtheen la awm- 1Tim.1:11.
 - D. Khrih dawngah Pathen kah hingna oen a coengna te a tuek thlangthli khuiah a rekra pena rangoen Khrih kah bawilen awlthangtheen lawng Pathen kah bawilenna te a ang sak tih, te dawng teah Pathen lawng a thlangthli tiimah zouthenna a dang- Heb.1:3. Efe.1:3.6,12,14.
- II. "Ziinna khui kalawng angna he vaang seh aka ti kung Pathen lawng Jesu Khrih kah mikhaai dawngah Pathen kah bawilen cuihna ang sak hamla, mami kah thinkaw khuiah a vaang sak"- 2Kor.4:6.**
- A. Mami kah thinkawthli dawngah Pathen kah angna lawng Jesu Khrih kah mikhaai dawngkah Pathen bawilen mingciimna kah angna te a thoeng sak, tetah Khrih kah awlthangtheen dawngah Pathen bawilenna te aka mingciim sak angna a vaangna dawngah awm- athaan4,6.
 - B. Pathen kah bawilenna mingciimna kah angna tah Jesu Khrih kah mikhaai dawngah awm. Hetah Khrih kah bawilen awlthangtheen he a mikhaai dawngah Pathen kah bawilenna te mami lawng ng'huh thai u lungna koei thlanghing la awm tite a tueng sak- athaan.4,6. Matt.17:2.
 - C. Jesu Khrih mikhaai dawngah aka tueng Pathen kah bawilenna he Pathen bawilen a vaangna la ka awm Jesu Khrih dawng kalawng patoeng aka tueng bawilenna Pathen la awm. Amah mingciimna tah bawilenna Pathen te mingciimna la awm- Cel.7:2. Heb.1:3.
 - D. Pathen lawng mami kah thinkawthli dawngah vaang tare, mami lawng thlangtloethli sawah angna awm tare la awm, te rangoen ahimi lawng Jesu Khrih kah mikhaai dawngah, khatben ah Pathen te a tueng sak tih aka phawng kung Khrih te mingciimna dawngah Pathen kah a bawilenna te a mingciim thai poen ai. Khrih kah bawilen awlthangtheen he lamha la mami khuila va ang tih, te coengtah mami khui kalawng a vaangna la awm- Jhn.1;18; Matt.5:16; Fil.2:15.
- III. "Tede aka theen ngaai tharaana he kamami kah nawh tih Pathen teng kah ni tite tueng sakhm tekah kaawn te diklai amthli dawngah ng'khueh u"-2Kor.4:7.**
- A. Khrih kah bawilen awlthangtheen angna kalawng patoeng aka theen ngaai phutlou kaawn la bawilenna kah Khrih he oengcathli rangoen n'dang u. Taheah thumkhat Pathen kah pum a tuengna oen a thuicaihna la ka awm Khrih kah aka ang a soengna tah mami khuiah aka awm phutlou kaawn la awm-athaan.6-7.

1. Mami kah thinkawthli dawngah Pathen kah rekrana la aka awm a angna tah mami khuiah phutlou kaawnla aka awm soeprep boeih aka thuum Khrih, mami kah hingna oen soeprep la awm hamla hingpekung Muithla la thumkhat Pathen kah pum aka tueng kung te avan khuen-athan,4, 6-7. Kol.2:9. 3:4, 11, 1Kor.15:45b.
 2. He phu aka tlou kaawn la aka awm Khrih he Khrihthlaang hingna hamla bawm cemna kah Pathen ben a kungpui la awm-Fil.4:13. 2Kor.13:5, 4:7.
- B. He thuilek nawh phutlou kaawn lawngah diklai amthli la aka awm mami te thuilek thainawh bibina oen paipiithai kah bibikungthli la ng'awm sak. Hetah thawhkoepna kah Pathen tharana rangoen ni. He tharana aka theen ngaai hetah a tang tengah Pathen ben kah la awm tih, mami khui kalawng alaw moenih-3:6.1:9.4:7.
- C. Mami kah angna dawng kalawng patoeng bawilenna awl thangtheen aka dang thlangthli lawng ahimikhuiah rekrala aka awm phutlou kaawnla Khrih te a dang u poen ai. Te coengtah mami angla ahimi khaw he phutlou kaawn a sangna diklai amthli la awm uvan poen ai-athan.4,6-7.

IV. "Mami mikhaai dahna n'khoee tih, Bawipa kah bawilenna te n'dan coengah patoeng aka thue haidan angla ng'awm u. Mami tah Bawipa Muithla dawng kalawng bawilenna pungtai tih amah angla muisam thawlengla ng'awm u"-3:18.

- A. Bawipa kah bawilenna n'danna tah mami lawng Bawipa te ng'huhna la awm. Bawipa kah bawilenna te patoeng n'thuena tah mami dawng kalawng amah te thlangthli ng'huh sakna la awm.
- B. Bawipa kah bawilenna tah aka thoukoep, vaan aka lui Khrih kah bawilenna la awm tih, amah he mami dawng aka awm hingpekung Muithla la amah oen, a coengthli boeih, a taathli boeih, a dangthli boeih te mami tengah aka soeng sakkung la awm, te rangoen mami he amah oen pumkhatla ng'awm u thai vetih, Bawipa oen aka lou u muisam khuila bawilenna kalawng bawilenna khuila muisam thawleng u poen ai. Tetila amah lawngah mami he amah mui oen m'vai sak u-Luk.24:46.Heb.2:9.2Kor.3:18.Rom.8:29.
- C. Hetah thawhkoepna dawngah hingna dawng aka awm lawngzaw la awm-2Kor.3:18.

V. "Thlemvai vengah nangmi tah ziinna khuiah na awm u. Tahe atah Bawipa dawngah angna la na awm u. Te dawngah angna cathli angla khawsa u lah" - Efe.5:8

- A. Pathen he angna la a awm angla Pathen kah cathli mami khaw angna kah cathli la ng'awm u-1Jhn.1:5. Efe.5:8. Jhn.12:36.
- B. Mami he angna kah cathli bueng ouhla- angna la khaw ng'awm u. Angna la ng'awmna tah mami he Bawipa dawngah Pathen oen pumkhat la ng'awm u dawngah ni-Matt.5:14.1Jhn.1:5.
- C. Mami he angna dawngah ng'awm u vengah a soeng oen a soengnawhna kah huenmawl dau benah ng'awm u-athan.7.
- D. Mami he angna kah cathli la khaw n'sa kawinih Efe.5:9 dawngkah angla a thaih n'thaih u poen ai.
1. Angna kah a thaih tah a coengna dawngah theenna, lawngzaw dawngah doengna oen a tuengna dawngah n'soeng u poen vetih, hinroek khawsakna kah a soengna la Pathen he a tueng hamla awm.
 2. Theenna, doengna oen awltak dawng aka awm angna kah a thaih he thumkhat Pathen oen tuhkaai u.
 - a. A theenna la Pa he angna a thaih kah a coengna la awm. Te dawngah athaan.9 kah a theenna tah Pa Pathen a thuingaihna la awm-Matt.19:17.
 - b. Doengna tah Capa Pathen thuinuetna la awm, metihtiah Khrih he Pathen kah doengna lawngzaw angla Pathen kah a poekna te soep sak hamla ava law dawngah ni-Rom.5:17-18,21.
 - c. Angna kah a thaih a tuengna awltak he Muithla Pathen thuingaihna la awm, metihtiah amah he doengna kah Muithla la a awm dawngah ni-Jhn.14:17.16:13.

VI. "Bawipa kah mikhaai te a huh u vetih,...Bawipa Pathen lawng ahimi sawah angna te a peek u ai"-Awl.22:4a,5b.

- A. Pathen oen Tuuca kah a mikhaai a huhna hetah dungzaantue khuipuer a tlang thlangthli lawng a awmgaih u thumkhat Pathen kah zouthenna la awm poen ai- athaan.4a.
- B. Tuuca dawngah Pathen amah he mami dawng va ang vetih, mami tah amah kah bawilen angna huuih boet ouhla ng'hing u poen ai- athaan.5b.21:23.